

妙法蓮華經卷第二

妙法蓮華經譬喻品第三

二



今時舍利弗踊躍歡喜即赴合掌瞻仰尊顏
而白佛言今從世尊聞此法音心懷踊躍得

未曾有所以者何我昔從佛聞如是法見諸
菩薩受記作佛而我等不豫斯事甚自感傷
失於如來無量知見世尊我常獨處山林樹
下若坐若行每作是念我等同入法性去何
如來以小乘法而見濟度是我等咎非世尊
也所以者何若我等待說所目成就阿耨多

羅三狼三菩提者必以大乘而得度脫然我
等不解方便隨宜所說初聞佛法遇便信受
思惟取證世尊我從昔來終日竟夜每自剋
責而今從佛聞所未聞未曾有法斷諸疑悔
身意泰然快得安穩今日乃知真是佛子從
佛口生從法化生得佛法分忒時舍利弗欲

重宣此義而說偈言

我聞是法音 得所未曾有
心懷大歡喜 疑網皆已除
昔來蒙佛教 不失於大乘
佛音甚希有 能除衆生惱
我已得漏盡 聞亦除憂惱
我處於山谷 或在林樹下
若坐若經行 常思惟是事
嗚呼深自責 云何而自欺
我等亦佛子 同入無漏法
不能於未來 演說無上道

金色三十二十力諸解脫同共一法中而不得此事
八十種妙好十八不共法如是等功德而我皆已失
我獨經行時見佛在大衆名聞滿十方廣饒益衆生
自惟失此利我為自欺誑我常於日夜每思惟是事
欲以問世尊為失為不失我常見世尊稱讚諸菩薩
以是於日夜籌量如此事今聞佛音聲隨宜而說法

無漏難思議。今衆至道場。我本著邪見。為諸梵志師。
世尊知我心。拔邪說涅槃。我悉除邪見。於空法得證。
余時心自謂。得至於滅度。而今乃自覺。非是實滅度。
若得作佛時。具三十二相。天人夜叉衆。龍神等恭敬。
是時乃可謂。乘盡滅無餘。佛於大衆中。說我當作佛。
聞如是法音。疑悔悉已除。初聞佛所說。心中大驚疑。

將非魔作佛 惱亂我心耶 佛以種種緣 譬喻巧言說
其心安如海 我聞疑網斷 佛說過去世 無量滅度佛
安住方便中 亦皆說是法 現在未來佛 其數無有量
亦以諸方便 演說如是法 如今者世尊 從生及出家
得道轉法輪 亦以方便說 世尊說實道 波旬無此事
以是我定知 非是魔作佛 我墮疑網故 謂是魔所為

聞佛柔燭音深遠甚微妙。演暢清淨法。我心大歡喜。
疑悔永已盡。安住實智中。我定當作佛。為天人所敬。
轉無上法輪。教化諸菩薩。

余時佛告舍利弗。吾今於天人。沙門婆羅門。
等大眾中說。我昔曾於二萬億佛所。為無上。
道。故常教化汝。汝亦長夜隨我受學。我以方。

便引導汝。故生我法中。舍利弗。我昔教汝。志願佛道。汝今惡志。而便自謂。已得滅度。我今還欲令汝。憶念本願。所行道。故為諸聲聞說。是大乘經。名妙法蓮華教。菩薩法。佛所護念。舍利弗。汝於未來世。過無量無邊不可思議劫。供養若干千萬億佛。奉持正法。具足菩薩。

所行之道當得作佛号曰華光如來應供正
遍知明行足善逝世間解無上士調御丈夫
天人師佛世尊國名離垢其土乎正清淨嚴
飭安穩豐樂天人熾盛瑠瑠為地有八支道
黃金為繩以界其側其傍各有七寶行樹常
有華菓華光如來亦以三乘教化衆生舍利

弗彼佛出時雖非惡世以本類故說三乘法
其劫名大寶莊嚴何故名曰大寶莊嚴其國
中以菩薩為大寶故彼諸菩薩無量無邊不
可思議算數譬喻所不能及非佛智力無能
知者若欲行時寶華萎足此諸菩薩非初發
意皆久殖德本於無量百千萬億佛所淨猶

梵行恒為諸佛之所稱歎常循佛慧具大神
通善知一切諸法之門質直無偽志念堅固
如是菩薩充滿其國舍利弗華光佛壽十二
小劫除為王子未作佛時其國人民壽八小
劫華光如來過十二小劫授堅滿菩薩阿耨
多羅三藐三菩提記告諸比丘是堅滿菩薩

次當作佛号曰華足安行多陀阿伽度阿羅
訶三藐三佛隨其佛國土亦復如是舍利弗
是華光佛滅度之後正法住世三十二小劫
像法住世亦三十二小劫今時世尊欲重宣
此義而說偈言

舍利弗來世成佛普賢尊号名曰華光
當度無量衆

供養無數佛 具足菩薩行 十力等功德 證於無上道
過無量劫已 劫名大寶嚴 世界名離垢 清淨無瑕穢
以瑠璃為地 金繩界其道 七寶雜色樹 常有華菓實
彼國諸菩薩 志念常堅固 神通波羅蜜 皆已悉具足
於無數佛所 善學菩薩道 如是等大士 華光佛所化
佛為王子時 棄國捨世榮 於最末後身 出家成佛道

華光佛住世壽十二小劫其國人民衆壽命八小劫
佛滅度之後正法住於世三十二小劫廣度諸衆生
正法滅盡已像法三十二舍利廣流布天人普供養
華光佛所為其事皆如是其兩足聖尊最勝無倫匹
彼即是汝身宜應自欣慶

尔時四部衆比丘比丘尼優婆塞優婆夷天

龍夜叉。乾闥婆。阿脩羅。迦樓羅。緊那羅。摩睺
羅伽等。大衆見舍利弗於佛前受阿耨多羅
三藐三菩提記。心大歡喜。踊躍無量。各各脫
身所著上衣。以供養佛。釋提桓目梵天王等
與無數天子。亦以天妙衣。曼陀羅華。摩訶
曼陀羅華等。供養於佛。所散天衣。住虛空中。

而自迴轉諸天妓樂百千萬種於虛空中一時俱作雨衆天華而作是言佛昔於波羅柰初轉法輪今乃復轉無上最大法輪尔時諸天子欲重宣此義而說偈言

昔於波羅柰轉四諦法輪分別說諸法五衆之生滅今復轉最妙無上大法輪是法甚深奧少有能信者

我等從昔來數聞世尊說未嘗聞如是深妙之上法
世尊說是法我等皆隨喜大智舍利弗今得受尊記
我等亦如是必當得作佛於一切世間最尊無有上
佛道叵思議方便隨宜說我所有福業今世若過世
及見佛功德盡迴向佛道

於時舍利弗白佛言世尊我今無復疑悔親

於佛前得受阿耨多羅三藐三菩提記是諸
千二百心自在者昔住學地佛常教化言我
法能離生老病死究竟涅槃是學無學人亦
各自以離我見及有無見等謂得涅槃而今
於世尊前聞所未聞皆墮疑惑善哉世尊願
為四衆說其因緣令離疑悔今時佛告舍利

弗我先不言諸佛世尊以種種因緣譬喻言
辭方便說法皆為阿耨多羅三藐三菩提耶
是諸所說皆為化菩薩故然舍利弗今當復
以譬喻更明此義諸有智者以譬喻得解舍
利弗若國邑聚落有大長者其羊裒邁財富
無量多有田宅及諸僮僕其家廣大唯有一

門多諸人衆一百二百乃至五百人止住其中
堂閣朽故墻壁頽落柱根腐敗梁棟傾危
周而俱時欻然火起焚燒舍宅長者諸子若
二十或至三十在此宅中長者見是大火
從四面起即大驚怖而作是念我雖能於此
所燒之門安穩得出而諸子等於火宅內樂

著嬉戲不覺不知不驚不怖火來逼身苦痛
切已心不厭患無求出意舍利弗是長者作
是思惟我身手有力當以衣被若以几案從
舍出之復更思惟是舍唯有一門而復狹小
諸子幼稚未有所識戀著戲處或當墮落為
火所燒我當為說怖畏之事此舍已燒且時

疾出無令為火之所燒害作是念已如所思
惟具告諸子汝等速出父雖憐愍善言誘喻
而諸子等樂著嬉戲不肯信受不驚不畏了
無出心亦復不知何者是火何者為舍去何
為失但東西走戲視父而已尔時長者即作
是念此舍已為大火所燒我及諸子若不時

出必為所焚我今當設方便令諸子等得免
斯害又知諸子先心各有所好種種珍玩奇
異之物情必樂著而告之言汝等所可玩好
希有難得汝若不取後必憂悔如此種種羊
車鹿車牛車今在門外可以遊戲汝等於此
火宅宜速出來隨汝所欲皆當與汝今時諸

子聞父所說，法泚玩之物，適其願，故心各勇銳。
牙相雅排競，共馳走，爭出火宅。是時長者見
諸子等安穩得出，皆於四衢道中露地而坐。
無復障礙，其心泰然，歡喜踊躍。時諸子等各
白父言：「父先所許玩好之具，羊車、鹿車、牛車，
願時賜與，舍利弗。亦時長者各賜諸子等一。」

大車其車高廣衆寶在杖周而欄楯四面懸
鈴又於其上張設愜蓋亦以珍竒雜寶而嚴
飾之寶繩紈絡垂諸華璣重敷紈綖安晝丹
枕駕以白牛膚色充潔形體姝好有大勳力
行步乎正其疾如風又多僕從而侍衛之所
以者何是大長者財富無量種種庫藏悉皆

充溢而作是念我財物無極不應以下劣小
車與諸子等今此幼童皆是吾子愛無偏黨
我有如是七寶大車其數無量應當等心各
各與之不宜差別所以者何以我此物周給
一國猶尚不匱何況諸子是時諸子各乘大
車得未曾有非本所望舍利弗於汝意云何

是長者等與諸子珍寶大車寧有虛妄不舍
利弗言不也世尊是長者但令諸子得免火
難全其軀命非為虛妄何以故若全身命便
為已得玩好之具况復方便於彼火宅而救
濟之世尊若是長者乃至不與最小一車猶
不虛妄何以故是長者先作是意我以方便

令子得出。以是因緣。無虛妄也。何況長者自
知財富無量。欲饒益諸子。等與大車。佛告舍
利弗。善哉善哉。如汝所言。舍利弗。如來亦復
如是。則為一切世間之父。於諸怖畏。衰惱憂
患。無明暗蔽。永盡無餘。而悉成就。無量知見。
力無所畏。有大神力。及智慧力。具足方便。智

慧波羅蜜大慈大悲常無懈倦恒求善事利
益一切而生三界朽故火宅為度衆生生老
病死憂悲苦惱愚癡暗蔽三毒之火教化令
得阿耨多羅三藐三菩提見諸衆生為生老
病死憂悲苦惱之所燒煮亦以五欲財利故
受種種苦又以貪著追求故現受衆苦後受

地獄畜生餓鬼之苦若生天上及在人間貧
窮困苦愛別離苦怨憎會苦如是等種種諸
苦衆生沒在其中歡喜遊戲不覺不知不驚
不怖亦不生厭不求解脫於此三界火宅東
西馳走雖遭大苦不以為患舍利弗佛見此
已便作是念我為衆生之父應拔其苦難與

無量無邊佛智慧樂令其遊戲舍利弗如來
復作是念若我但以神力及智慧力捨於方
便為諸衆生讚如來知見力無所畏者衆生
不能以是得度所以者何是諸衆生未免生
老病死憂悲苦惱而為三界火宅所燒何由
能解佛之智慧舍利弗如彼長者雖復身手

有力而不用之。但以慳懃方便。鬼瘡諸子。火宅之難。然後各與。珍寶大車。如來亦復如是。雖有力無所畏。而不用之。但以智慧方便。於三界火宅。救濟衆生。為說三乘。聲聞辟支佛。佛乘。而作是言。汝等莫得樂住。三界火宅。勿貪。塵弊。色聲香味。觸也。若貪著。生愛。則為所

燒汝等速出三界當得三乘聲聞辟支佛佛
乘我今為汝保任此事終不虛也汝等但當
勤循精進如來以是方便誘進衆生復作是
言汝等當知此三乘法皆是聖所稱歎自在
無繫無所依求乘是三乘以無漏根力覺道
禪定解脫三昧等而自娛樂便得無量安穩

快樂舍利弗。若有衆生。內有智性。從佛世尊。
聞法信受。慇懃精進。欲速出三界。自求涅槃。
是名聲聞乘。如彼諸子。為求羊車。出於火宅。
若有衆生。從佛世尊。聞法信受。慇懃精進。求
自然慧樂。獨善寂深。知諸法因緣。是名辟支
佛乘。如彼諸子。為求鹿車。出於火宅。若有衆

生從佛世尊聞法信受勤脩精進求一切智
佛智自然智無師智如來知見力無所畏慙
念安樂無量衆生利益天人度脫一切是名
大乘菩薩求此乘故名爲摩訶薩如彼諸子
爲求牛車出於火宅舍利弗如彼長者見諸
子等安穩得出火宅到無畏處自惟財富無

量等以大車而賜諸子如來亦復如是為一
切衆生之父若見無量億千衆生以佛教門
出三界苦怖畏險道得涅槃樂如來亦時便
作是念我有無量無邊智慧力無畏等諸佛
法藏是諸衆生皆是我子等與大乘不令有
人獨得滅度皆以如來滅度而滅度之是諸

衆生脫三界者。悉與諸佛禪定解脫等娛樂
之具。皆是一相一種。聖所稱歎。能生淨妙第一
一之樂。舍利弗。如彼長者。初以三車誘引。諸
子。然後但與大車寶物。莊嚴安穩。第一。然彼
長者。無虛妄之咎。如來亦復如是。無有虛妄
初說三乘。引道衆生。然後但以大乘而度脫。

之何以故如來有無量智慧力無所畏諸法
之藏能與一切衆生大乘之法但不盡能受
舍利弗以是因緣當知諸佛方便力故於一
佛乘分別說三佛欲重宣此義而說偈言

譬如長者有一大宅其宅久故而復頽弊
堂舍高危柱根摧朽梁棟傾斜基陛頽毀

墻壁圯墜 泥塗禘落 覆苦亂墜 椽椳差脫
周障屈曲 雜穢充遍 有五百人 心住其中
鷓鴣鷓鴣 鴉鵲鳩鴿 蚊虻蝮蝎 蜈蚣蚰蜒
守宮百足 鼪鼯鼯鼠 諸惡虫輩 交橫馳走
屎尿臭屢 不淨流溢 蜣螂諸虫 而集其上
狐狼野干 咀嚼踐踰 齧齧死屍 骨完狼藉

由是群狗競來搏掇
飢羸惶惶屢屢求食
鬪諍擅掣嗥齟嗥吠
其舍恐怖變狀如是
屢屢皆有魑魅魍魎
夜又惡鬼食散人肉
毒虫之屬諸惡禽獸
孚乳產生各自藏護
夜又競來爭取食之
食之既飽惡心轉熾
鬪爭之聲甚可怖畏
鳩鵲荼鬼躑踞土埕

或時離地一尺二尺
往返遊行縱逸嬉戲
捉狗兩足撲令失聲
以脚加頸怖狗自樂
復有諸鬼其身長大
裸形黑瘦常住其中
發大惡聲叫呼求食
復有諸鬼其咽如針
復有諸鬼首如牛頭
或食人肉或復噉狗
頭髮蓬亂殘害兇險
飢渴所逼叫喚馳走

夜又餓鬼諸惡鳥獸飢急四向窺者窓牖
如是諸難恐畏無量是朽故宅屬于一人
其入近出未久之間於後宅舍忽然火起
四面一時其燄俱熾棟梁椽柱爆聲震裂
摧折墮落牆壁崩倒諸鬼神等揚聲大叫
鷓鴣諸鳥鳩躲荼茅周章惶怖不能自出

惡獸毒蟲 藏竄孔穴 毗舍闍鬼 亦住其中
薄福德故 為火所逼 共相殘害 飲血斃肉
野干之屬 並已前死 諸大惡獸 競來食斃
臭烟蓬藪 四面充塞 蜈蚣蚰蜒 毒虵之類
為火所燒 爭走出穴 鳩鵲荼鬼 隨取而食
又諸餓鬼 頭上火燃 飢渴熱惱 周章悶走

其宅如是 甚可怖畏 毒害火災 衆難非一
是時宅主 在門外立 聞有人言 汝諸子等
先因遊戲 乘入此宅 稚小無知 歡娛樂著
長者聞已 驚入火宅 方宜救濟 今無燒害
告喻諸子 說衆患難 惡鬼毒蟲 災火蔓延
衆苦次第 相續不絕 毒虵蚊蠅 及諸夜叉

鳩鵲荼鬼 野干狐狗 鷓鴣鷓鴣 百足之屬
飢渴慙急 甚可怖畏 此苦難處 况復大火
諸子無知 雖聞又誨 猶故樂著 嬉戲不已
是時長者 而作是念 諸子如此 益我愁慙
今此舍宅 無一可樂 而諸子等 妯酒嬉戲
不受我教 將為火害 即便思惟 設諸方便

告諸子等 我有種種 珍玩之具 妙寶好車
羊車鹿車 大牛之車 今在門外 汝等出來
吾為汝等 造作此車 隨意所樂 可以遊戲
諸子聞說 如此諸車 即時奔競 馳走而出
到於空地 離諸苦難 長者見子 得出火宅
住於四衢 坐師子座 而自慶言 我今快樂

此諸子等 生育甚難 愚小無知 而入險宅

多諸毒蟲 魍魎可畏 大火猛燄 四面俱焚

而此諸子 貪樂嬉戲 我已救之 今得脫難

是故諸人 我今快樂 亦時諸子 知父安坐

皆詣父所 而白父言 願賜我等 三種寶車

如前所許 諸子出來 當以三車 隨汝所欲

今正是時 唯垂給與 長者大富 庫藏衆多
金銀琉璃 車乘馬牝 以衆寶物 造諸大車
莊枝嚴飾 周帀欄楯 四面懸鈴 金繩絞絡
真珠羅網 張施其上 金華諸纓 慶慶垂下
衆綵雜飾 周帀圍遶 柔軟繒纊 以為茵蓐
上妙細氎 價直千億 鮮白淨潔 以覆其上

有大白牛 肥壯多力 形體殊好 以駕寶車
多諸僮從 而侍衛之 以是妙車 等賜諸子
諸子是時 歡喜踊躍 乘是寶車 遊於四方
嬉戲快樂 自在無礙 告舍利弗 我亦如是
衆聖中尊 世間之父 一切衆生 皆是吾子
深著世樂 無有慧心 三界無安 猶如火宅

衆苦充滿 甚可怖畏 常有生老 病死憂患
如是等火 熾然不息 如來已離 三界火宅
寂然閑居 安處林野 今此三界 皆是我有
其中衆生 悉是吾子 而今此處 多諸患難
唯我一人 能為救護 雖復教詔 而不信受
於諸欲染 貪著深故 是以方便 為說三乘

令諸衆生知三界苦 開示演說 出世間道
是諸子等 若心決定 具足三明 及六神通
有得緣覺不退菩薩 汝舍利弗 我為衆生
以此譬喻說一佛乘 汝等若能 信受是語
一切皆當 得成佛道 是乘微妙 清淨第一
於諸世間 為無有上 佛所悅可 一切衆生

所應稱讚 供養禮拜 無量億千 諸力解脫
禪定智慧 及佛餘法 得如是乘 今諸子等
日夜劫數 常得遊戲 與諸菩薩 及聲聞衆
乘此寶乘 直至道場 以是因緣 十方諦求
更無餘乘 除佛方便 告舍利弗 汝諸人等
皆是吾子 我則是父 汝等累劫 衆苦所燒

我皆濟拔今出三界我雖先說汝等滅度
但盡生死而實不滅今所應作唯佛智慧
若有菩薩於是衆中能一心聽諸佛實法
諸佛世尊雜以方便所化衆生皆是菩薩
若人小智深著愛欲為此等故說於苦諦
衆生心喜得未曾有佛說苦諦真實無異

若有衆生不知苦本深著苦因不能暫捨
為是等故方便說道諸苦所因貪欲為本
若滅貪欲無所依止滅盡諸苦名第三諦
為滅諦故修行於道離諸苦縛名得解脫
是人於何而得解脫但離虛妄名為解脫
其實未得一切解脫佛說是人未實滅度

斯人未得無上道故我意不欲令至滅度
我為法王於法自在安穩衆生故現於世
汝舍利弗我此法印為欲利益世間故說
在所遊方勿妄宣傳若有聞者隨喜頂受
當知是人阿鞞跋致若有信受此經法者
是人已曾見過去佛恭敬供養亦聞是法

若人有能信汝所說則為見我亦見於汝
及比丘僧并諸菩薩斯法華經為深智說
淺識聞之迷惑不解一切聲聞及辟支佛
於此經中力所不及汝舍利弗尚於此經
以信得入况餘聲聞其餘聲聞信佛語故
隨順此經非已智又舍利弗憍慢懈怠

計我見者莫說此經凡夫淺識深著五欲
聞不能解亦勿為說若人不信毀謗此經
則斷一切世間佛種或復頻感而懷疑惑
汝當聽說此人罪報若佛在世若滅度後
其有誹謗如斯經典見有讀誦書持經者
輕賤憎嫉而懷結恨此人罪報汝今復聽

其人命終入阿鼻獄具足一切劫盡更生
如是展轉至無數劫從地獄出當墮畜生
若狗野干其形頓瘦梨黹疥癩人所觸燒
又復為人之所惡賤常困飢渴骨肉枯竭
生受楚毒死被瓦石斫佛種故受斯罪報
若作駝駝或生驢中身常負重加諸杖捶

但念水草餘無所知謗斯經故獲罪如是
有作野干來入聚落身體疥癩又無一目
為諸童子之所打擲受諸苦痛或時致死
於此死已更受蟒身其形長大五百由旬
龍驤無足婉轉腹行為諸小蟲之所啖食
晝夜受苦無有休息謗斯經故獲罪如是

若得為人 諸根暗鈍 矬陋癡聩 盲聾背癯
有所言說 人不信受 口氣常臭 鬼魅所著
貧窮下賤 為人所使 多病痠瘦 無所依怙
雖親附人 人不在意 若有所得 尋復忘失
若徭墾道 頓方治病 更增他疾 或復致死
若自有病 無人救療 設服良藥 而復增劇

若他及逆 抄劫竊盜 如是等罪 橫羅其殃
如斯罪人 未不見佛 衆聖之王 說法教化
如斯罪人 常生難處 狂瞽心亂 未不聞法
於無數劫 如恒河沙 生輒瞽啞 諸根不具
常處地獄 如遊園觀 在餘惡道 如已舍宅
馳驢猪狗 是其行處 謗斯經故 獲罪如是

若得為人 聾盲瘖啞 貧窮諸裏 以自莊嚴
水腫乾疥 疥癩癰疽 如是等病 以為衣服
身常是屢 垢穢不淨 深著我見 增益瞋恚
媼欲熾盛 不擇禽獸 謗斯經故 獲罪如是
告舍利弗 謗斯經者 若說其罪 窮劫不盡
以是因緣 我故語汝 無智人中 莫說此經

若有利根 智慧明了 多聞強識 求佛道者
如是之人 乃可為說 若人曾見 億百千佛
殖諸善本 深心堅固 如是之人 乃可為說
若人精進 常修慈心 不惜身命 乃可為說
若人恭敬 無有異心 離諸九患 獨處山澤
如是之人 乃可為說 又舍利弗 若見有人

捨惡知識 親近善友 如是之人 乃可為說
若見佛子 持戒清潔 如淨明珠 求大乘經
如是之人 乃可為說 若人無瞋 質直柔順
常愍一切 恭敬諸佛 如是之人 乃可為說
復有佛子 於大眾中 以清淨心 種種因緣
譬喻言辭 說法無礙 如是之人 乃可為說

若有比丘為一切智四方求法合掌頂受
但樂受持大乘經典乃至不受餘經一偈
如是之人乃可為說如入至心求佛舍利
如是未經得已頂受其人不再復志求餘經
亦未曾念外道典籍如是之人乃可為說
告舍利弗我說是相求佛道者窮劫不盡

如是等入 則能信解 汝當為說 妙法華經
妙法蓮華經信解品第四

余時慧命須菩提摩訶迦拏延摩訶迦葉摩
訶目捷連從佛所聞未曾有法世尊授舍利
弗阿耨多羅三藐三菩提記發希有心歡喜
踊躍即從座起整衣服偏袒右肩右膝著地

一心合掌曲躬恭敬瞻仰尊顏而白佛言我
等居僧之首年並朽邁自謂已得涅槃無所
堪任不復進求阿耨多羅三藐三菩提世尊
往昔說法既久我時在座身體疲憊憊但念空
無相無作於菩薩法遊戲神通淨佛國土成
就衆生心不喜樂所以者何世尊令我等出

於三界得涅槃證又今我等年已朽邁於佛
教化菩薩阿耨多羅三藐三菩提不生一念
好樂之心我等今於佛前聞授聲聞阿耨多
羅三藐三菩提記心甚歡喜得未曾有不謂
於今忽然得聞希有之法深自慶幸獲大善
利無量珍寶不求自得世尊我等今者樂說

辟喻以明斯義。辟若有人，年既幼稚，捨父逃
逝，久住他國，或二十至五十歲，年既長大，
如復窮困，馳騁四方，以求衣食，漸漸遊行，遇
向本國，其父先來求子，不得中心，一城其家
大富財寶，無量金銀、瑠璃、珊瑚、虎魄、頗梨、珠
等，其諸倉庫悉皆盈溢，多有僮僕、臣佐、吏民。

爲馬車乘牛羊無數出入息利乃遍他國商
估賈客亦甚衆多時貧窮子遊諸聚落經歷
國邑遂到其父所心之城父每念子與子離
別五十餘年而未曾向人說如此事但自思
惟心懷悔恨自念老朽多有財物金銀珍寶
倉庫盈溢無有子息一旦終沒財物散失無

所委付是以慇懃每憶其子復作是念我若
得子委付財物坦然快樂無復憂慮世尊尔
時窮子備賃展轉遇到父舍住立門側遙見
其父踞師子牀寶机兼足諸婁羅門剎利居
士皆恭敬圍遶以真珠瓔珞價直千万在嚴
其身吏民僮僕手執白拂侍立左右覆以寶

張垂諸華幡香熏地散衆名華羅列寶物
出內取與有如是等種種嚴飾威德特身窮
子見又有大力勢即懷恐怖悔來至此竊作
是念此或是王或是王等非我傭力得物之
處不如往至貧里肆力有地衣食易得若又
任此或見逼迫強使我作作是念已疾走而

去時富長者於師子座見子便誠心大歡喜
即作是念我財物庫藏今有所付我常思念
此子無由見之而忽自來甚適我願我樂幸
朽猶故貪惜即遣傍人急追將還介時使者
疾走徃捉窮子驚愕稱恐大莫我不相犯何
為見捉使者執之俞急施牽將還于時窮子

自念無罪而被囚執此必定死轉更惶怖悶
絕舞地又遙見之而語使言不須此人勿旌
將來以冷水灑面令得醒悟莫復與語所以
者何父知其子志意下劣自知豪貴為子所
難審知是子而以方便不語他人云是我子
使者語之我今放汝隨意所趣窮子歡喜得

未嘗有從地而起。往至貧里。以求衣食。余時
長者將欲誘引其子。而設方便。密遣二人。形
色憔悴。無威德者。汝可詣彼。徐語窮子。此有
作處。倍與汝直。窮子若許。將來使作。若言欲
何所作。便可語之。雇汝除糞。我等二人亦共
汝作時。二使人即求窮子。既已得之。具陳上

事尔時窮子先取其價尋與除糞其父見子
愍而恠之又以他日於窓牖中遙見子身羸
瘦憔悴糞土塵坌汗穢不淨即脫瓔珞細耍
上服嚴飾之具更著麤弊垢膩之衣塵土坌
身右手執持除糞之器狀有所畏語諸作人
汝等勤作勿得懈息以方便故得近其子後

復告言出男子汝常此作勿復餘去當加汝
價諸有所須瓷器米麵醢酢之屬莫自疑難
亦有老弊使人須者相給好自安意我如汝
又勿復憂慮所以者何我年老大而汝小壯
汝常作時無有欺怠瞋恨怨言都不見汝有
此諸惡如餘作人自今已後如所生子即時

長者更與作字名之為兒。余時窮子，雖欣此
遇，猶故自謂客作賤人。由是之故，於二十年
中，常令除糞過。是已後，心相體信入出無難。
然其所心猶在本處。世尊尔時長者有疾，自
知將死，不久語窮子言：我今多有金銀珠寶，
倉庫盈溢，其中多少，所應取與，汝悉知之。我

心如。是當體此意。所以者何。今我與汝。便為
不異。且加用心。無令漏失。今時窮子。即受教
勅。領知衆物。金銀珠寶。及諸庫藏。而無歸取
一食之意。然其所心。故在本處。下劣之心。亦
未能捨復。經少時。又知子意漸已通泰。成就
大志。自鄙先心。臨欲終時。而命其子。并會親

英國王大臣利利居士皆悉已集即自宣言
諸君當知此是我子我之所生於某城中捨
吾逃走伶俜辛苦五十餘年其本字某我名
某甲昔在本城懷憂推負忽於此間遇會得
之此實我子我實其父今吾所有一切財物
皆是我子有先所出內是我子所知世尊是時窮

予聞父此言即大歡喜得未曾有而作是念
我本無心有所怖求今此寶藏自然而至世
尊大富長者則是如來我等皆似佛子如來
常說我等為子世尊我等以三苦故於生死
中受諸契怵迷惑無知樂著小法今日世尊
令我等思惟蠲除諸法戲論之業冀我等於中

勤加精進得至涅槃一日之價既得此已心
大歡喜自以為足便自謂言於佛法中勤精
進故所得於多然世尊先知我等心著弊欲
樂於小法便見縱捨不為分別汝等當有如
來知見寶藏之分世尊以方便力說如來智
慧我等從佛得涅槃一日之價以為大得於

此大乘無有志求我等又因如來智慧為諸
菩薩開示演說而自於此無有志願所以者
何佛知我等心樂小法以方便力隨我等說
而我等不知真是佛子今我等方知世尊於
佛智慧無所慳惜所以者何我等昔來真是
佛子而但樂小法若我等有樂大之心佛則

為我說大乘法今此經中唯說一乘而昔於
菩薩前毀咎聲聞樂小法者然佛實以大乘
教化是故我等說本無心有所悕求今法王
大寶自然而至如佛子所應得者皆已得之

尔時摩訶迦葉欲重宣此義而說偈言

我等今日聞佛音教歡喜踊躍得未曾有

佛說聲聞當得作佛無上寶聚不求自得
譬如童子幼稚無識捨父逃逝遠到他土
周流諸國五十餘年其父憂念四方推求
求之既疲頓止一城造立舍宅五欲自娛
其家巨富多諸金銀車乘馬牝真珠瑠璃
象馬牛羊輦輿車乘田業僮僕人民衆多

出入息利乃遍他國商估賈人無處不有
千万億衆圍遠恭敬常為王者之所愛念
群臣豪族皆共宗重以諸緣故往來者衆
豪富如是有大力勢而年朽邁益憂念子
夙夜惟念死時將至癡子捨我五十餘年
庫藏諸物當如之何亦時窮子求索衣食

從邑至邑 從國至國 或有所得 或無所得

飢餓羸瘦 體生瘡癬 漸次經歷 到又任城

備貨展轉 遂至又舍 余時長者 於其門內

施大寶帳 慶師子座 眷屬圍遶 諸人侍衛

或有計筭 金銀寶物 出內財產 注記券疏

窮子見父 豪貴尊嚴 謂是國王 若是王等

驚怖自惟何故至此覆自念言我若久住
或見逼迫強驅使作思惟是已馳走而去
借問貧里欲往傭作長者是時在師子座
遙見其子默而識之即勅使者追殺將來
窮子驚嘆迷悶躡地是人執我必當見殺
何用衣食使我至此長者知子愚癡狹劣

不信我言 不信是又 即以方便 更遣餘人
眇目瘞陋 無威德者 汝可語之 去當相雇
除諸糞穢 倍與汝價 窮子聞之 歡喜隨來
為除糞穢 淨諸房舍 長者於牖 常見其子
念子愚劣 樂為鄙事 於是長者 著弊垢衣
執除糞器 往到子所 方便附近 語令勤作

既益汝價并塗足油飲食充足薦席厚暖
如是苦言汝當勤作又以要語若如我子
長者有智漸令入出經二十年執作家事
亦其金銀真珠頗梨諸物出入皆使令知
猶慶門外心宿草庵自念貧事我無此物
又知子心漸已曠大欲與財物即聚親族

國王大臣刹利居士於此大衆說是我子
捨我他行經五十歲自見子來已二十年
昔於某城而失是子周行求索遂來至此
凡我所有舍宅人民悉以付之恣其所用
子念昔貧志意下劣今於父所大獲珍寶
并及舍宅一切財物甚大歡喜得未曾有

佛亦如是 知我樂小 未曾說言 汝等作佛
而說我等 得諸無漏 成就小乘 聲聞弟子
佛勅我等 說最上道 修習此者 當得成佛
我兼佛教 為大菩薩 以諸因緣 種種譬喻
若干言辭 說無上道 諸佛子等 從我聞法
日夜思惟 精勤修習 是時諸佛 即授其記

汝於來世當得作佛一切諸佛秘藏之法
但為菩薩演其實事而不為我說斯真要
如彼窮子得近其父惟知諸物心不怖取
我等雖說佛法寶藏自無志願亦復如是
我等內滅自謂為足唯了此事更無餘事
我等若聞淨佛國土教化衆生都無欣樂

所以者何一切諸法皆悲空寂無生無滅
無大無小無漏無為如是思惟不生喜樂
我等長夜於佛智慧無貪無著無復志願
而自於法謂是究竟我等長夜猶習空法
得脫三界苦惱之患住最後身有餘涅槃
佛所教化得道不虛則為已得報佛之恩

我等雖為諸佛子等 說菩薩法以求佛道
而於是法 永無願樂 導師見捨 觀我心故
初不勸進 說有實利 如富長者 知子志劣
以方便力 乘伏其心 然後乃付 一切財寶
佛亦如是 現希有事 知樂小者 以方便力
調伏其心 乃教大智 我等今日 得未曾有

非先所望而今自得如彼窮子得無量寶
世尊我今得道得果於無漏法得清淨眼
我等長夜待佛淨戒始於今日得其果報
法王法中久猶梵行今得無漏無上大果
我等今者真是聲聞以佛道聲令一切聞
我等今者真阿羅漢於諸世間天人魔梵

普於其中 應受供養 世尊大恩 以希有事
憐愍教化 利益我等 無量億劫 誰能報者
手足供給 頭頂禮敬 一切供養 皆不能報
若以頂戴 兩肩荷負 於恒沙劫 盡心恭敬
又以美饍 無量寶衣 及諸卧具 種種湯藥
平頭旃檀 及諸珍寶 以起塔廟 寶衣布地

如斯等事 以用供養 於恒沙劫 亦不無報
諸佛希有 無量無邊 不可思議 大神通力
無漏無為 諸法之王 能為下劣 忍于斯事
取相凡夫 隨宜為說 諸佛於法 得最自在
知諸衆生 種種欲樂 及其志力 隨所堪任
以無量喻 而為說法 隨諸衆生 宿世善根

又知成熟未成熟者
種種壽量分別知已
於一乘道隨宜說三

妙法蓮華經卷第三





110X

186

1